



## Hymne au Venerable P.-J. Eymard,<sup>1</sup>

*Ad Patrem rediens Christus amantibus  
Divinum tribuit pignus Apostolis ;  
Escam quæ memoret grandia miraque  
Præstat se reverentibus.*

*Istis ex epulis hæc generatio,  
Quæ quærit Dominum, sumpsit originem ;  
Ferventes animas, quas alit hic cibus,  
Cœlestis amor efficit.*

*Quondam friguerat pristina caritas ;  
Opportunus opem præbet Eymardius  
Qui de Pane sacro curat ut ocios  
Procedat renovatio.*

*Exemplum capiens a Sapientia  
Mensam proposuit vinaque miscuit,  
Ut conviva satur factus et impiger  
Hostis conterat impetus.*

*Panis deliciæ per vigilem simul  
Pastorem satiant et teneras oves,  
Præclarusque calix multiplicat gregem  
Christi pace fruentium.*

*Ad cuius solium missa petitio  
Ex puris quoties mentibus evolat,  
Tot Rex magnificus munera divite  
Fundit Corde clientibus.*

*Patri maxima laus et tibi gratiæ  
Qui das, Christe, dapes esurientibus ;  
Splendor Spiritui cuius in ignibus  
Tecum nos facis hostiam.*

[1] En ce mois qui nous ramène le jour anniversaire de la mort du Vénérable P. Eymard et le 1er anniversaire de l'introduction de sa cause, nos lecteurs aimeront à trouver ici l'hymne suivante composée à la mémoire du Vénérable.